




03942



御製題武英殿聚珍版

御製題武英殿聚珍版

御製題武英殿聚珍版

校輯永樂大典內之散簡零編並蒐

下萬餘種彙為四庫全書擇人所罕觀有裨世道入

心及足資考鏡者剞劂流傳嘉惠來學第種類多則

付雕非易董武英殿事金簡以活字法為請既不濫

費棗梨又不久淹歲月用力省而程功速至簡且捷

考昔沈括筆談記宋慶歷中有畢昇為活版以膠泥

燒成而陸深金臺紀聞則云毘陵人初用鉛字視版

印尤巧便斯皆活版之權輿顧堃泥體麤銛鉛質軟

御製題武英殿聚珍版



俱不及鍍木之工緻茲刻單字計二十五萬餘雖數

一

百十種之書悉可取給而校讐之精今更有勝於古

所云者第活字版之名不雅馴因以聚珍名之而系

以詩

稽古搜四庫於今突五車開鐫思壽世積版或充闕張

帖唐院集周文梁代餘同為製活字用以印全書精越

鵝冠體昨歲江南所進之書有鵝冠子即流字版第字體不工且多訛謬耳富過鄴架儲

機圓省雕氏功倍謝鈔胥聯腋事堪例堃泥法似疎毀

銅昔悔彼康熙年間編纂古今圖書集成刻銅字為活版排印歲工廚之武英殿歷年既久銅字或

銅昔悔彼康熙年間編纂古今圖書集成刻銅字為活版排印歲工廚之武英殿歷年既久銅字或

被竊缺少司事者懼于咎適值乾隆初年京師錢貴遂請毀銅字供鑄從之所得有限而所耗甚多已為非計且使銅字尚存則今之印書不更事半功倍乎深為惜之刊木此慙予既復羨梨棗還教慎魯魚成編示來學嘉惠志符初

乾隆甲午仲夏

御製題武殿裝珍版

二



乾隆甲午仲夏

敬錄聖訓

不更事半收功平籍為常之計木此速字總為羨梨棗
且使銅字尚存則今之印書不更事半功倍乎深為惜之刊木此慙予既復羨梨棗
被竊缺少司事者懼于咎適值乾隆初年京師錢貴遂請毀銅字供鑄從之所得有限而所耗甚多已為非計

張燕公集

武英殿聚珍版

提要

臣等謹按張燕公集二十五卷唐張說撰說事蹟具唐書本傳其文章典麗宏贍當時與蘇頌並稱朝廷大述作多出其手號曰燕許唐書藝文志載其集三十卷今所傳本止二十五卷然自宋以後諸家著錄並同則其五卷之佚久矣集中元處士鶴銘稱序爲處士子將作少監行冲撰而唐書行冲傳乃不載其爲此官爲留守奏慶山醴泉表稱

張燕公集

提要

萬年縣令鄭國忠狀六月十四日縣界霸陵鄉有慶山見醴泉山而唐書武后傳載此事乃作新豐縣皆與史傳頗有異同然說在當時必無訛悞知唐書之踈舛多矣此書所以貴舊本也集首永樂七年伍德記一篇稱兵燹之後散佚僅存錄而藏之至嘉靖間其子孫始爲梓行而訛舛特甚又叅考本傳及文粹文苑英華諸書其文不載於集者尚多今旁加搜輯於集外得頌一首箴一首表十首八首疏二首狀六首策三首批答一首序十一首

啓一首書二首露布二首碑四首墓誌九首行狀
一首凡六十一首皆依類補入而原集目次錯互
者亦詮次更定仍釐爲二十五卷庶幾復成完本
焉

張燕公集

提要

二



卷之六
卷之七
卷之八
卷之九
卷之十
卷之十一
卷之十二
卷之十三
卷之十四
卷之十五
卷之十六
卷之十七
卷之十八
卷之十九
卷之二十
卷之二十一
卷之二十二
卷之二十三
卷之二十四
卷之二十五

張燕公集目錄

卷一

賦五首

詩三十四首

卷二

詩五十六首

卷三

詩六十七首

卷四

張燕公集

目錄

詩八十首

卷五

詩九十三首

卷六

頌二十三首

卷七

頌四首

卷八

贊十九首



銘五首

箴三首

記一首

卷九

表二十四首

卷十

表二十一首

卷十一

疏二首

張燕公集

目錄

狀七首

對策三首

批答一首

卷十二

序十一首

卷十三

啓一首

書二首

露布一首

卷十四

碑銘七首

卷十五

碑銘三首

卷十六

碑銘五首

卷十七

碑銘六首

卷十八

張燕公集

目錄

碑銘六首

卷十九

碑銘四首

卷二十

碑銘四首

卷二十一

碑銘八首

卷二十二

墓誌銘九首

卷二十三

墓誌銘十一首

卷二十四

墓誌銘六首

行狀一首

卷二十五

祭文十九首

張燕公集

目錄

四

祭文十九首

卷二十六

祭文一首

墓誌銘六首

卷二十七

墓誌銘十一首

卷二十八

臣秦恩復恭校

張燕公集卷一

唐

張

說

撰

賦

喜雨賦應制

史臣啓先王之冊府校絕端於祥經樂雲雨之平施齊
品物之流形皇帝益重而爲寶麟鳳自輕而讓靈况愆
時而渴望欲意達而神聽是月也朱明漸半紫油未吐
恐降災兮此下人罄虔祈兮我仁主退象龍之禮禱斥
持鷲之貌舞屏翳慙其廢職祝融悔其遷怒山洪澇而

張燕公集

卷一

出雲天霧霑而下雨速一言而感應尅三日而周溥氣
翳靄以駢驅聲颯灑以蕭條璀璨如銀漢之屑落燦似珠
泉之噴澆街廊漫其潢潦阜壤萎其綠苗每四溟之清
潤卷六合之煩囂咸澡骨於神液共歡心於聖朝借如
五月有梅雨之名三春有穀雨之氣越人以泥牛待沃
胡士賣土龍求費出員嶠而石香入成都而酒味彼偏
方與小節非大人之所貴復有送山祗於鬱島迎海若
於葛川疾雷碎其山裂走電煜其海燃天子作愁霖之
賦詞人綴苦雨之篇墻屋壞於倒井黍稷沈於下田乃

凶祲之不令曷休徵之有焉請言瑞雨之可喜也協氣
交泰嘉生是賴湛暈而不溺衍溢而不害東漸出日之
表西被無雷之外南窮火鼠之譯北盡燭龍之會天文
則雲漢昭回王澤則江河滂沛雖欲談天而窺管孰知
堯德之爲大

進白鳥賦

咨大鈞之播氣在品物而流形有莫黑之凡族亦變白
而効靈感上仁於孝道合中瑞於祥經若夫事出神妙
理包符卷貺集王室飛隨帝輦捧日高翥迎風細轉識

張燕公集

卷一

二

句句於招呼每啞啞於啄吮以其霜羽雪毛冰精玉狀
拔竒綠林之下賞異紫臺之上瞰鴟鵂之妙臆抱鳳凰
之衣桁恐同類之見嫉畏不才之速謗願悉命於渥恩
豈顧私於閑放維聖君之靈囿物何遠而不臻有能言
而可重或善舞而取珍羞陋軀而入獻與寶羽而爲隣
探朝噪之聲樂眷夜啼之曲新無芒距以耀武不鉤觜
以懷仁謝先容而特達却飾以全真鑿深心於反哺
移報德於君親

虛室賦

明月窻前古樹簷邊無北堂之樽酒絕南鄰之管絃理
涉虛趣心階靜緣室惟生白人則思元厭百慮之勞止
歸一途之兀然嗟乎巧智首亂禮樂增矯名起異端利
成貪兆役二見之交戰驅五神而雜擾形何費而不衰
性何煩而不夭每竭源而追求必亡多而獲少王帳瓊
宮圖侈務豐朱門金穴恃滿矜隆榮與辱而俱盛事隨
憂而不窮陷營爲之桎梏留健羨之池籠心元是幻法
本皆空莫不因無證實假異生同魚何知而樂水蛇何
意而憐風火哉默識守此元通顧瞻天下還如夢中

張燕公集

卷一

三

江上愁心賦寄趙子

江上之峻山兮鬱崎嶇而不極雲爲峯兮烟爲色歎
態兮心不識江上之深林兮杳冥濛而不已鳥爲花兮
猿爲子紛盪漾兮言莫擬夏雲陰兮若山秋水平兮若
天冬沙飛兮淅淅春草靡兮芊芊感四節之然運知萬
化之潛遷伴衆鳥兮寒渚望孤帆兮日邊雖欲貫愁腸
於巧筆紡離夢於哀絃是心也非模放之所逮將有言
兮是然將無言兮是然

長途賦

青泥路白馬關雲足躡霞手攀忠臣往兮孝子避陽羊
腸臨鳥道搏絕岸援蔓草懸梁變娜以樹接虛閣穹崇
而烟抱風雨柳泪兮崩泉而險湍圖畫詭屈兮紅峯而
碧巒林黝黝而人靜山參參而地寒客有夢兮石城闕
背芳萱兮心不歇憫秋草之墜露弔窮崖之飛月聞哀
猿之一鳴憂人宿昔兮生白髮

詩

侍宴武三思山第應制賦得風字

梁王池館好曉日鳳樓通竹町羅千衛蘭旌降兩宮清
張燕公集

卷一

四

歌芳樹下妙舞落花中臣覺筵中聽還如大國風

侍宴萼荷亭應制

迴鑾青岳觀帳殿紫烟峯仙路迎三島雲衢駐六龍圓
林看化塔壇壇識餘封山外聞簫管還如天上逢

侍宴臨渭亭應制

青郊上已艷陽年紫禁皇遊被渭川幸得歡娛承湛露
心同草樹樂春天

侍宴滻水應制賦得濃字

千行發御柳一葉下仙筇青浦宣遊至朱城佳氣濃雲

霞交暮色草樹喜春容藹藹天旗轉清笳入九重

桃花園馬上應制

林間艷色驕天馬苑裏濃粧伴麗人願逐南風飛帝席
年年含笑舞青春

侍宴隆慶池應制

靈池月滿直城隈
微帳天臨御路開
東沼初陽疑吐出
南山曉翠若浮來
魚龍百戲分容與
鳧鷖雙舟較泝洄
願似金堤青草馥
長承絳水白雲盃

奉和春日幸望春宮應制

張燕公集

卷一

五

別館芳菲上苑東
飛花澹蕩御筵紅
城臨渭水天河靜

闕對南山雨露通
繞殿流鸞凡幾樹
當溪亂蝶許多叢

春園旣醉心和樂
共識皇恩造化同

奉和登驪山賜眺應制

寒山上半空
林眺盡園中
是日巡遊處
晴光遠近同

分明渭水樹
暗辨新豐巖
壑清音暮天歌
起大風

奉和辛白鹿觀應制

洞府寒山曲
天遊日軒迴
披雲看石鏡
拂雪上金臺
竹

磴龍驂下松庭鶴
轡來雙童還獻藥
五色耀仙才

扈從幸韋嗣立山莊應制二首
寒灰飛玉管湯井駐金輿
旣得方明相還尋大隗居
懸泉珠貫下列帳錦屏舒
騎遠林逾密筵繁各自虛
門旗塹復磴殿幕裏通渠
舞鳳隨公主雕龍賦婕妤
幽天賞洽酒樂御筵初
非才叨侍從連藻愧應徐
西京上相出扶陽東郊
別業好池塘自非仁智符
天賞安能日月共廻光

奉和送金城公主應制

青海和親日漢星出降時
戎王子聲寵漢國舅家慈
春

張燕公集

卷一

野開離讌雲天起別詞
空彈馬上曲詎減鳳樓悲

奉和同皇太子過慈恩寺應制二首

翼翼宸恩永煌煌福地開
離光昇寶殿宸氣繞香臺
上界旛花合中天日月來
願君無量壽仙藻屢徘徊
朗朗神居峻軒軒瑞像威
聖君成願果太子拂天衣
至樂三靈會深仁四皓歸
還聞澗水曲更繞白雲飛

先天應令

三陽麗景早芳辰四序嘉
園物候新梅花百嚴障行
路垂柳千條暗迴津鳥驚
直爲飛風葉魚躍都由怯
岸人

惟願聖主南山壽何愁不賞萬年春

奉和春日出苑應制

禁林艷裔發青陽春望逍遙出畫堂
雨洗亭臯千畝綠風吹梅李一園香
鶴飛不去隨青管魚躍翻來入綵航
睿賞歡承天保定道文更觀日重光

奉和喜雪應制

聖德與天同封巒欲報功詔書斯日下
靈感應時通觸石雲呈瑞含花雪兆豐
積如沙照月散似麵從風舞集仙臺上
歌流帝樂中遙知百神喜灑路待行宮

張燕公集

卷一

七

奉和同劉晃喜雨應制

青氣和春雨知從岱嶽來行雲避師出
酒雨待車迴厭浥塵清道空濛柳映臺
最宜三五夜晴月九重開

奉和暇日遊興慶宮作應制

漢武橫汾日周王宴鎬年何如造區夏
復此驪觀賢巢鳳新成閣飛龍舊躍泉
棣華謔尚在桐葉戲仍傳禁籞氛埃隔
平臺景物連聖慈良有裕王道固無偏
問俗兆人阜觀風五教宣獻圖開益地
張樂奏鈞天侍酌衢樽滿詢芻諫鼓懸
永言形友愛萬國共周旋

奉和觀拔河應制

今歲好拖鈎橫街做御樓長繩繫日住貫索挽河流鬪
力頻催鼓爭都更上籌春來百種戲天意在宜秋

奉和寒食作應制

寒食春過半花濃鳥復嬌從來禁火日會接清明朝鬪
敵鷄殊勝爭毬馬絕調晴空數雲點香樹百風搖改木
迎新燧封田表舊燒皇情愛嘉節傳曲與簫韶

奉和過寧王宅應制

進酒忘憂觀簫韶喜降臨帝堯敦族禮王季友兄心竹

張燕公集

卷一

八

苑龍鳴笛梧宮鳳繞林大風將小雅一字重千金

奉和同玉真公主遊大哥山池題石壁二首

池如明鏡月華開山學香爐雲氣來神藻飛爲鶴鶴賦

仙聲颺出鳳凰臺

綠竹初成苑丹沙欲化金乘龍與驂鳳歌吹滿山林爽
氣疑情迴寒光映浦深忘憂題此觀爲樂賞同心

奉和賜諸州刺史應制

文明遍禹跡繹寡達堯心正在親人守能令玉澤深朝
廷多秀士鎔鍊比精金犀節同分命熊軒各外臨聖主

賦新詩穆若聽薰琴先言教爲本次言則是飲三時農
不奪午夜犬無侵願使天宇內品物遂浮沉寄情羣飛
鶴千里一揚音共躡華胥夢冀黃安足尋

奉和賜崔日知應制

聖情留曩鎮佳氣翊興王增戟雄都府高車轉太常川
橫八詠闔山帶五龍長連帥初起命天人舊紀綱餞塗
飛御藻闔境自生光明主徵循吏何年下鳳凰

奉和送王峻巡邊應制

六月歌周雅三邊諭夏卿欲施攻戰法先作簡稽行禮

張燕公集

卷一

九

樂知謀帥春秋識用兵一勞堪定國萬里卽長城策有
和戎利威傳破虜名軍前雨灑道樓上月臨營別藻瑤
華降同衣錦襍榮關山由義近戈甲爲恩輕絲竹路傍
散風雲馬上生朝廷謂吉甫邦國望君平

奉和送宇文融安輯戶口應制

至德臨天下勞情遍九圍念茲人爲本蓬轉將何依外
避征戍數內傷親黨稀嗟不逢明盛胡能照隱微栢臺
簡竹李蘭殿賜朝衣別曲動秋風恩令生春輝使出四
海安詔下萬心歸忤非夔龍佐徒歌鴻鴈飛

奉和春中興慶宮酺宴應制

千齡逢啓聖萬域共來威
威慶接郊禴後酺承農事稀
御樓橫廣路天樂下重闈
鸞鳳調歌曲虹霓動舞衣
合聲雲上聚連步月中歸
物覩恩無外神和道入微
鑄京陪樂飲栢殿奉文飛
徒謁秋螢影何資春日暉

春晚侍宴麗正殿探得開字

聖政惟稽古賓門引玉坊
因購書立殿爲集賢開鬢
彥星辰下仙章日月迴
字如龍負出韻是鳳銜
來庭柳餘春駉宮鶯早夏
催喜承芸閣宴幸捧栢梁杯

張燕公集

卷一

十

奉和花萼樓下宴應制

萬心翹樂宴三舍緩昌時
山接夏雲險臺留春日遲
節移芳未歇興隔賞仍追
醉後傳嘉惠樓前舞聖慈
皇恩與時合天意若人期
故發前旬雨新垂湛露詩

端午日三殿侍宴應制探得魚字

小暑夏絃應微陰商管初
願齊長命縷來續大恩餘
三殿褰珠箔羣官上玉除
助陽嘗黍稷順節進龜魚
井露垂天酒芝花捧御書
合丹同蠆蜒灰骨共蟾蜍
今日傷

虵意銜珠遂闕如

奉和千秋節宴應制

五德生王者千齡啓聖心赤光來照夜黃雲上覆晨海
縣銜恩久朝章獻壽新高居帝座出夾道衆官陳棗杖
洗清景磬管凝秋旻珠囊含瑞露金鏡抱仙輪何歲無
鄉飲何田不報神薰歌與名節傳代幸羣臣

奉和賜王公千秋鏡應制

寶鏡頒神節凝規寫聖情千秋題作字長壽帶爲名月
向天邊下花從日裏生不承懸象意誰辨照心明

張燕公集

卷一

十一

臣秦恩復恭校

張燕公集卷二

唐

張

說

詩

奉和太行山中言志應制

六龍鳴玉鑾九折步雲端河絡南浮近山經北上難羽
儀映朔雪戈甲帶春寒百谷晨笳動千巖曉仗攢皇心
感韶節敷藻念人安既立省方館復置建神壇扈蹕參
天老承榮忝夏官長勤百年意思見一勝殘

奉和爰因巡省途次舊居應制

張燕公集

卷二

一

葱鬱興王郡殷憂啓聖圖周成會西土漢武幸南都歲
卜鑾輿邁農祠鴈政敷武威稜外域文教靡中區警蹕
干戈捧朝宗玉帛趨舊藩人事革新禮國容殊壁有真
龍畫庭餘鳴鳳梧棊藻觴祝堯壽合鼎獻湯廟陽樂寒初
變春恩蠶更蘇三着頒命服五稔復田輸君賦大風起
入歌濕露濡從臣觀玉葉方願紀靈符

奉和過晉陽宮應制

太原俗尚武高阜初奮庸星軒三晉躔土樂二堯封北
風遂舉鵬西河亦上龍至德起王業繼明賴人雍六葉

啓昌期再興廣聖蹤傳呼大駕來文物如雲從連營火
百里縱觀人千重翠華渡汾水白日臨翠峯粉榆恩賞
洽桑梓舊情恭往運感不追清時惜難逢詩發尊祖心
頌刊盛德容願君及春事迴輿綏萬邦

奉和度蒲關應制

蒲阪橫臨晉華芝曉望秦關城雄地險橋路扼天津樓
映行宮日隄含宮樹春黃雲隨寶鼎紫氣逐真人東詠
唐虞跡西觀周漢塵山河非國寶明主愛忠臣

奉和初入秦川路寒食應制

張燕公集

卷二

二

上陽柳色喚春歸臨渭桃花拂水飛總爲朝廷巡幸去
頓教京洛少光輝昨從分陝山南口馳道依依漸花柳
入關正投寒食前還京遂落清明後路上天心重豫遊
御前恩賜特風流便幕那能鏤雞子行宮善巧帖毛毬
渭橋南渡花如撲麥隴青靑斷人目漢家行樹直新豐
秦地驪山抱溫谷香池春溜水初平豫歡浴日照京城
今歲隨宜過寒食明年陪宴作清明

奉和途中經華嶽應制

西嶽鎮皇京中峯入太清玉鑾重嶺應緹騎薄雲迎霽

日懸高掌寒空類削成
軒遊會神處漢幸望仙情
舊廟青林古新碑綠字生
羣臣願封岱還駕勒鴻名

奉和潼關口號應制

天德平無外關門東復西
不將千里隔何用一丸泥

奉和過王濟墓應制

牛斗三分國龍驤一統年
智高寧受制風急肯迴紅
有策擒吳語無言讓范宣
援孤因勢屈功重爲讒偏
舊跡灰塵散枯墳古老傳
百代逢明主何辭死道邊

奉和經河上公廟應制

張燕公集

卷二

三

河上無名老知非漢代人
先探道德要留待聖明辰
元妙爲天下清虛用谷神
化將和氣一風與太初隣
靈廟觀遺像仙歌入至真
皇心齊萬物何處不同塵

奉和途次陝州應制

周召嘗分陝詩書空復傳
何如萬乘睠追賞二南篇
郡帶洪河側宮臨大道邊
洛城將日近佳氣滿山川

奉和行次成臯

太宗擒竇建德處

應制

夏氏階隋亂自言河朔雄
王師進穀水兵氣臨山東
前掃成臯陣却下洛陽宮
義合帝圖起威加天宇同
軒臺

百年外虞典一巡中戰龍思王業倚馬賦神功

奉和經鄒魯祭孔子應制

孔聖家鄒魯儒風藹典墳龍驤迴舊宅鳳德詠餘芬
入室神如在升堂樂似聞懸知一王法今日待明君

奉和野次喜雪應制

寒更玉漏催曉色御前開泱泱雲陰積氤氳風雪迴
山知銀作甕宮見璧成臺欲驗豐年象飄颻仙藻來

奉和溫湯對雪應制

瑞雪帶寒風寒風入陰琯陰琯方凝閉寒風復淒斷
宮

張燕公集

卷二

四

似瑤林匝庭如月華滿正歎挾纈詞非近溫湯暖

奉和溫泉言志應制

溫谷媚新豐驪山橫半空湯池薰水殿翠木暖烟宮
起疾逾仙藥無私合聖功始知堯舜德心與萬人同

奉和義成校獵喜雪應制

文教資武功郊畋閱邦政不知仁育久徒看禽獸盛
夜霰氛埃滅朝日山川靜綽仗飛走擊抨弦筋角勁帝射
參神道龍駟合人性五豨連一發百中皆先命勇爵均
萬夫雄圖羅七聖星爲吉符老雪作豐年慶喜聽行獵

詩威神入軍令

奉和幸鳳湯泉應制

周狩開岐禮秦都辨雍名獻禽天子孝存老聖皇情溫
潤宜冬幸遊吹樂歲成湯雲出水殿煖氣入山營坎意
無私潔乾心稱物平帝歌流樂府溪谷也增榮

扈從溫泉宮獻詩

溫泉啓蟄地氛氳渭浦歸鴻日數羣騎仗聯聯環北極
鳴笳步步引南薰松間彩殿籠佳氣山上朱旗繞瑞雲
不知遠夢華胥國何如親奉帝堯君

張燕公集

卷二

五

直宿溫泉宮羽林獻詩

冬狩美秦正新豐樂漢行星陳元武閣月對羽林營寒
水羅霜仗空山響夜更思深靈液煖節効古松貞文武
皆王事輸心不爲名

羽林恩召觀御書王太尉碑

隴首名公石來承聖札歸魚龍生意態鈞釣動鉞輝字
得神明保詞慙少女徽誰家羽林將文逐鳳書飛

元武門侍射

并序

開元之初季冬其望天子始御北闕朝羽林軍禮脩事

厥後二日乃命紫微黃門九卿六事與熊羆之將爪牙
之臣合宴焉侑以純錦頌以珍器爾其射弮新成大侯
既設樂仗林立帷軒霧布衆官半醉皇情載悅卷珠箔
臨玉除唐弓在手夏箭斯發應弦命中屬羽連飛弧矢
已來未之有也若夫天地合道星辰獻儀端視和容內
正外直自近而制遠耀威而觀德思無不通神無不極
用是射也其惟聖人乎于時繁雲覆城大雪飛苑天人
同澤上下交懽退食懷恩賦詩頌義凡若干篇

射觀通元闕兵闌闢御筵彫弧月半上畫的暈重圓羿
張燕公集

卷二

六

后神幽贊靈王法暗傳貫心精四返飲羽妙三聯雪鶴
來衙箭星麟下集弦一逢軍宴洽萬慶武功宣

扈從南出雀鼠谷

豫動三靈贊時巡四海威祲關凌曙出平路半春歸霍
鎮迎雲罕汾河送羽旂山南柳半密谷北草全稀遲日
宜華蓋和風入袷衣上林千里近應見百花飛

將赴朔方軍應制

禮樂逢明主韜鈴用老臣恭憑神武策遠御鬼方人供
帳榮恩餞山川喜詔巡天文日月麗朝賦管絃新幼志

傳三畧衰材謝六鈞膽猶忠作伴心故道爲鄰漢保河
南地天清塞北塵迎年大軍後不日小康辰劒舞輕離
別歌酣忘苦辛從來思博望許國不謀身

赴集賢院學士上賜宴應制得輝字

侍帝金華講千齡道罔稀任將賢士設書共學徒歸首
命深燕隗通經淺漢韋列筵榮賜食送客愧儒衣賀燕
窺簷下遷鶯入殿飛欲知朝野慶文教日光輝

奉和與宋璟源乾曜同日上官命宴東堂賜詩應

制

張燕公集

卷二

七一

大塊鎔羣品經生偶聖時猥承三事命虛忝百僚師右
揆謀華碩前星傳重資連鸞求舊禮濫黜樂賢詩賜金
同榮拜擬金宴宰司菊花吹御酒蘭葉捧天詞寶歷休
明盛頽年晷漏衰少留青史筆未敢赤松期

奉蕭中令酒并詩

樂奏天恩滿盃來秋興高更蒙蕭相國對席飲醇醪

奉宇文黃門酒

聖德垂甘露天章下大風又承黃閣賔願作黑頭公

奉裴中書酒

西掖恩華降南宮命席闡詎知鷄樹後更接鳳池歡

恩賜樂遊園宴

漢苑佳遊地軒庭近侍臣共持榮幸日來賞豔陽春饌
玉頰王篚攬金下帝鈞池臺草色徧宮觀柳條新花綬
光連榻朱顏暢飲醉聖朝多樂事天意每隨人

東都酺宴五首

並序

先天元祀孟冬十月東都留守韋公寅奉聖朝述宣嘉
旨乃合洛京之五省招河伊之二縣將吏咸集佩章有
序鏘鏘濟濟侃侃閭閻供帳於興教之門式酺宴也原

張燕公集

卷二

八

夫樂生於心非因結風之奏和達於氣無待陽春之節
蓋澤之所及也深則情之所感者遠國家天地一統君
臣百年朝榮舊德之序野賴先疇之業元化漸漬洪恩
既久太上功德不宰夏后命子之初皇帝孝理無爲漢
祖事親之日生堯舜於天屬見文武於同時前古未逢
斯人何事是日六樂振作萬舞苒蕪鳥獸徘徊士女踴
躍則知衆庶觀聽之所樂也旨酒絡繹大庖爨炙芳溢
風烟醉流阡陌又知衣冠之所適也由近而視遠萬國
之慶皆然自明而察幽三靈之欣可接若夫吟咏德澤

播越人聲斯固雅頌之餘波政教之遺美凡我詞客安敢闕如賦詩展事垂列於後

堯舜傳天下同心致大平吾君內舉聖遠合至公情錫命承丕業崇親享大名二天資廣運兩曜益齊明道暢昆蟲樂恩深朽蠹榮皇輿久西幸留鎮在東京合宴千官入分曹百戲呈樂來嫌景遽酒著迓寒輕喜氣連雲閣歎呼動洛城人間知幾代今日見河清
重華昇寶歷軒帝眇閒居政成天子孝俗返上皇初志味因觀樂歡心寄合醑自憐疲馬意戀戀主恩餘

張燕公集

卷二

九一

朱城塵暄滅翠幕景情開震震靈鼉起翔翔舞鳳來彫盤裴草樹綺乘結樓臺共喜光華日酣歌捧玉盃曉月調金鼓朝暎對玉盤爭馳羣鳥散鬪伎百花團遇聖人知幸承恩物自歡浴橋將舉燭醉舞拂歸鞍禮宴惟今席餘歡殊未窮入雲歌嫋嫋向日妓叢叢駛管催酣興留關待曲終長安若爲樂應與萬方同

晦日詔宴永穆公主亭子賦得流字

堂邑山林美朝恩晦日遊園亭含淑氣竹樹繞春流舞席千花騎歌舩五綵樓羣歡與王澤歲歲滿皇州

三月三日詔宴定昆池官莊賦得筵字

鳳凰樓下帶天泉
鸚鵡洲中雜管絃
舊識平陽嘉麗地
今逢上巳盛明年
舟將水動千尋日
幕共林橫兩岸烟
不降玉人觀襖飲
誰令醉舞拂賓筵

舟中和蕭令潭字

暮春三月日重三
春水桃花滿襖潭
廣樂透池天上下
仙舟搖衍鏡中酣

清明日詔宴寧王山池賦得飛字

今日清明宴佳境
惜芳菲搖揚花雜下
嬌鸞鶯亂飛綠

張燕公集

卷二

十一

渚傳歌榜虹橋度
舞旂和風偏應律
細雨不霑衣承恩
如改火春去春來歸

三月二十日詔宴樂遊園賦得風字

樂遊形勝地表裏
望郊宮北關連天
頂南山對掌中皇
恩貸芳月句宴美
成功魚戲芙蓉水
鶯啼楊柳風春花
看欲暮天澤變無
窮長袖招斜日留
花待曲終

四月十三日詔宴寧王亭子賦得好字

何許承恩宴山亭
風日好綠嫩鳴鶴
洲陰穠鬪雞道果
思夏來茂花嫌春
去早行樂無限時
皇情及芳草

藥園宴武洛沙將軍賦得洛字

東第乘餘興南園宴清洛文學引鄒枚歌鍾陳衛霍風
高大夫樹露下將軍藥待聞出塞還丹青上麟閣

鳳樓尋勝地

西掖持醇酒東山就白雲開軒綠池映命席紫蘭芬舞
度花爲伴鶯來管作羣太平多樂事春物共氛氲

皇帝降誕日集賢殿賜宴

仲秋金帝起五日土行昭瑞表壬寅露光傳甲子宵陰
風吹大澤夢日照昌朝不獨華封老千年喜祝堯

張燕公集

卷二

十二

恩制賜食於麗正殿書院宴賦得林字

東壁圖書府西園翰墨林誦詩聞國政講易見天心位
竊和羹重恩叨醇酒深緩歌眷興曲情竭爲知音

洛橋北亭詔餞諸刺史

離亭拂御溝曲岸舞船樓詔餞朝廷牧符分海縣憂股
肱還入郡父母更臨州扇逐仁風轉車隨零雨流恩光
水上溢榮色柳間浮預待羣方最三公不遠求

修書院學士奉敕宴梁王宅賦得樹字

虎殿成鴻業猿巖題鳳賦旣荷大君恩還蒙小山遇秋

吹凝絃管涼雲生竹樹共惜朱邱歡無辭洛城暮

夕宴房主簿舍

并序

旅聽清管崇局嚴鑰巖雲暗山微月白夜悄羣動之俱
息感孤鴻之遠音有美房公霞海其量友我以絲竹好
我以罇俎紆蘊結之雅懷豁悠曠之陳意滿堂旣醉同
賦是詩

歲晏關雝空風急河渭冰薄遊羈物役微尚懷遠憑旅
館月宿永閉扇雲思興伊人美脩夜朋酒惠來猶交談
旣清雅琴吹亦凄凝不逢君蹇澗幽意長戀蒸

張燕公集

卷二

十一

岳州宴姚紹之

并序

姚司馬往在栢臺每欽骨鯁及茲荒服偶得官聯復有
令弟美尹芬芳襲予山寺外廬幽深形勝童冠是集歡
言賦詩

杞梓滯江濱光華向日新難兄金作友媚子玉爲人山
水含秋興池亭借善鄰簷松風送靜院竹鳥來馴翠筍
吹黃菊瑠盤膾紫鱗緩歌將醉舞爲拂繡衣塵

幽州夜飲

涼風吹夜雨蕭瑟動寒林正有高堂宴能忘遲暮心軍

中宜劔舞塞上重笳音不作邊城將誰知恩遇深

溫泉馮劉二監客舍觀妓

溫谷寒林薄王遊樂事多佳人蹀躞馬乘月夜相過秀
色燃紅黛嬌春發綺羅鏡前鸞對舞瑟裏鳳傳歌妬寵
傾新意銜恩柰老何爲君留上客歡笑歛雙蛾

行從方秀川與劉評事文同宿

方秀美盤遊頻年降天旱水共伊川接山將闕門斷捧
日照恩華攀雲引疲散野宿霜入帳孤衾寒不暖靜聞
宮漏踈卧視庭月滿開鑪命溫酌中夜發清管風送關

張燕公集

卷二

三十一

山長氣道星歲短寓言情意懷適興真意坦環中病羈
挂方外嫌縱誕願君樂盛時無嗟帶纓緩

崔禮部園亭

窈窕留清醴虛徐步晚陰水連伊瀾近樹接夏陽深柳
蔓憐垂拂藤苗愛上尋訝君軒蓋侶非復俗人心

城南亭作

珂馬朝歸連萬石稍門洞啓親迎客北堂珍重琥珀酒
庭前列肆茱萸席長袖遲迴意緒多清商緩轉目騰波
舊傳比翼侯家舞新出將雛主第歌漢家絳灌餘兵氣

晉代浮虛安足貴正逢天下金鏡清偏加日飲醇醪意
誰復遊遨不復歸閒庭莫畏不芳菲會待城南春色至
竟將花柳拂羅衣

對酒行

巴陵作

留侯封萬戶園令壽千金本爲成王業初由賦上林繁
榮安足恃霜露遞相尋烏哭楚山外猿啼湘水陰夢中
城闕近天畔海雲深空對忘憂酒離憂不去心

清夜酌

秋陰士多感雨息夜無塵清罇宜明月復有平生人

張燕公集

卷二

丙

醉中作

醉後無窮樂彌勝未醉時動容皆是舞出語總成詩

良淵其賦壯麗太

醉中作

晉代浮虛安足貴正逢天下金鏡清偏加日飲醇醪意
誰復遊遨不復歸閒庭莫畏不芳菲會待城南春色至
竟將花柳拂羅衣

臣秦恩復恭校

張燕公集卷三

唐

張

說

撰

詩

送趙二尚書彥昭北伐

北地河冰合邊城備此時兵連紫塞路將舉白雲司提
劍榮中賞銜珠盛出師日華光組練風色焰旌旗投筆
樽前起橫戈馬上辭梅花吹別引楊柳賦新詩

送郭大夫元振再使吐蕃

犬戎廢東獻漢使馳西極長策問酋渠猜阻自夷殛容

張燕公集

卷三

一

髮徂邊歲旌裘傲海色五年一見家妻子不相識武庫
兵猶動金方事未息遠圖待才智苦節輸筋力脫刀贈
分手書帶加飡食知君萬里侯立功在異域

送鄭大夫惟忠從公主入蕃

鳳吹遙將斷龍旗送欲還傾都邀節使傳酌緩離顏春
磧沙連海秋城月對關和戎應賞魏定遠莫辭班

送李侍郎迴秀薛長史季和同賦得水字

漢郡接邊廷幽并對烽壘旌旗按部曲文武惟卿士薛
公善籌畫李相威邊鄙中冀分兩河長安各萬里藉馬

黃花塞寇兵白狼水勝敵在安人爲君汗青史

送趙頤真郎中赴安西

絕鎮功難立懸車命匪輕復承遷相後珍重任賢情將
起神仙地才稱禮樂英長心堪繫組短語足論兵日授
休明法星教置陳名龍泉恩已署鸞領相終成月窟窮
天遠河源入塞清老夫操別翰承旨頌營平

送崔二長史日知赴潞州

東山懷卧理南省悵悲翁共見前途促何知後會同莫
輕一筵宴明日半成空况爾離庭闕思歸迷夢中

張燕公集

卷三

二

同賀八送亮公赴荊州

疇昔同聲友鸞飛出鳳池風雲一蕩薄日月屢參差此
別黃葉下前期安可知惟憐楚南樹不爲歲寒移

送高唐州

常時好閒獨朋舊少相過及爾宣風去方嗟別日多淮
流春婉婉江海路蹉跎百歲屢分散歡言復幾何

送蘇台宮頰

都邑羣方首商泉萬俗訛變風須愷悌成化佇絃歌疇
昔珪璋友雍容文雅多振纓遊省闈鏘玉宰京河別曲

鸞初下行軒雉尚過百壺非餞意流詠在人和

送王峻自羽林赴永昌令

將星移北洛神雨避東京爲負剛腸譽還追強項名白
雲向伊闕黃葉散昆明多謝絃歌宰稀聞桴鼓聲

同王僕射山亭餞岑廣武義得言字

聞道長岑令奮翼宰旅門長安東陌上送客滿朱軒琴
爵留佳境山池借好園茲遊恨不見別後綴離言

送喬安邑備

書閣移年歲文明難復辭歡言冬雪滿恨別夏雲滋外

張燕公集

卷二

三一

尹方爲政高明白不欺老人驂馭往童子狎雛嬉日茂
西河俗寂寥東觀期遙懷秀才令京洛見新詩

送任御史江南發糧以賑河北百姓

河朔人無歲荆南義廩開將興泛舟役必借濟川才花
月臨江浦春雲立楚臺調飢坐相望繡服幾時迴

送王尚一嚴巖二侍御赴司馬都督軍

漢掖通沙塞邊兵護草腓將行司馬令助以鐵冠威白
露鷹初下黃塵騎欲飛明年春酒熟留酌二星歸

送李問政河北簡兵

斗酒貽朋愛踟躕出御溝依然四牡別更想八龍遊密
親仕燕冀連年邇寇讎因君閱河朔垂淚語幽州

送薛植入京

青組言從史鴻都忽見求款言人向老飲別歲方秋髣
髴長安陌平生是舊遊何時復相遇宛在水中央

送宋休遠之蜀任

求友殊損益行道異窮申我綴平生氣吐贈薄遊人結
恩事明主忍愛遠辭親色麗成都俗膏腴蜀水濱如何
從宦子堅白共緇磷日月千齡旦河山萬族春懷鉛書
張燕公集 卷三 四
瑞府橫草事邊塵不及安人吏能令王化淳

送梁知微渡海東

今日此相送明年此相待天上客星迴知君渡東海

別平一師

壬子不事俗高駕眇難追茅土非屑盼傾城無樂資宴
坐深林中三世同一時皎皎獨往心不爲塵網欺竭來
已復去今去何來思迴首謝同行勤會安請期

送考功武員外學士使嵩山置舍利塔

懷玉泉戀仁者寂滅真心不可見空留影塔嵩巖下寶

王四海轉千輪金曇百粒送分身山中二月娑羅會虛
唄遙遙愁思人我念過去微塵劫與子禪門同正法雖
在神仙蘭省間常持清淨蓮花葉來亦好去亦好了觀
車行馬不移當見菩提離煩惱

送尹補闕元凱琴歌

公善琴

鳳哉鳳哉啄琅玕飲瑤池栖崑崙之山哉中國有聖人
感和氣飛來飛來自歌自舞先王冊府麒麟之臺鶴雌
衆雛故山曲其鳴喈喈其鳴喈喈欲往銜之歛去來去

別鸞鳳心徘徊明年阿閣梧桐花葉開羣飛鳳歸來羣

張燕公集

卷三

五

飛鳳歸來

送王光庭

同居洛陽陌經日嬾相求及爾江湖去言別悵悠悠楚
雲眇羈翼海月倦行舟愛而不可見徒嗟芳歲流

新都南亭送郭元振盧崇道

竹徑女蘿溪蓮洲文石隄靜深人俗斷尋玩往還迷碧
潭秀初月素林驚夕栖褰幌納蟾影理琴聽猿啼佳辰
改宿昔勝寄坐暎攜長懷賞心愛如玉復如珪

王西相州前池別許鄭二判官景先神力

數步圓塘水雙鴻戢羽儀一飛喬木上一返故林垂澹
泊含秋景虛明抱夜規無因畱絕翰雲海意差池

岳州宴別潭州王熊二首

絲管清且哀一曲傾一盃氣將然諾重心向友朋開古
木無生意寒雲若死灰贈君芳草杜草爲植建章臺
縉雲連省閣溝水遽西東然諾心猶在容華歲不同孤
城臨楚塞遠樹入秦宮誰念三千里江潭一老翁

岳州別王十一趙公入朝

皆濫貂蟬長向承雨露霏今叅魚鼈守望美洞庭歸浦
樹懸秋影江雲燒落暉魂離似征旆恒往帝鄉飛

張燕公集

卷二

六一

岳州別梁六入朝

遠蒞長沙渚欣逢賈誼才江山疲應接風日復晴開江
樹雲間斷湘江水上來近洲朝鷺集古戍野猿哀岸柳
含蒼靄河蒲秀紫臺月餘偏地賞心盡故人盃自我違
京洛嗟君此泝洄容華因別老交舊與年顏夢見長安
陌朝宗實盛哉

送梁六自洞庭山作

巴陵一望洞庭秋日見孤峯水上浮聞道神仙不可接

心隨湖水共悠悠

廣州蕭都督入朝過岳州宴餞得冬字

孤城抱大江節使往朝宗果是臺中舊依然水上逢京華遙此日疲老颯如冬竊羨能言鳥銜恩向九重

岳州別姚司馬紹之制許歸侍

和玉悲無已長沙宦不成天從扇枕願人逐倚門情方外懷司馬江東憶步兵向君棲淚處空嶺夜猿鳴

岳州送李十從軍歸桂州

送客江之上其人美且偲風波萬里濶歡舊十年來劍

張燕公集

卷三

七

拔蛟知斷弓鳴虎自開橋楊書未落駟馬定先廻

岳州別均

離筵非燕喜別酒正銷魂念爾猶童孺嗟余隔遠藩津亭拔心草江路斷腸猿他日將何見愁來獨倚門

送敬丞

嘉會良難永芳樽此夜閑別離三春暮親愛兩鄉聞落花已覆水岩雲欲起山庭蘭行可佩采采贈河關

見諸人送杜丞詩因以成作

吳楚分江鎮華容改舊城訝君來遠謁知有去思情風

度沅湘險烟還雲夢平寄言洞庭郡何德子爲名

幽州別陰長河

惠好交情重辛勤世事多荆南久爲別薊北遠來過寄
目雲中鳥留歡酒上歌影移聲復問遲暮雨如何

幽州送隨軍入秦

楊子來戎暮老夫欣主諾歸路有光華邊庭少吝度雁
知窮朔苦人羨長安樂獨將馬革心同聲謝臺閣

幽州送尹忝成婦

婚禮知無賀承家嘆有輝親迎驥子躍吉兆鳳雛飛温

張燕公集

卷三

八

席開華扇梁門換褰衣遙思桃李日應賦採蘋歸

嶺南送使三首

秋雁逢春返流人何日歸將予去國淚灑子入鄉衣飢
狄啼相聚愁猿喘更飛南中不可問書此示京畿
獄中生白髮嶺外罷紅顏古來相送處凡得幾人還
萬里投荒裔來時不見親一朝成白首看取報家人

南中別王陵成崇

握手與君別岐路贈一言曹卿禮公子楚媼饋王孫倏
爾生六翻翻飛戾九門常懷客鳥意會蒼主人恩

石門別楊六欽望

燕人同竄越萬里自相哀影響無期會江山此地來暮
年傷汎梗累日慰寒灰潮水東南落浮雲西北迴俱看
石門遠尚棹雨悲哉

端州別高六載

異壤同羈竄途中豈共過愁來時舉酒勞罷或長歌南
海風潮壯西江瘴癘多於焉復分手此別傷如何

南中別蔣五向青州

老親依北海賤子棄南荒有淚皆成血無聲不斷腸此

張燕公集

卷三

九

中逢故反彼地送還鄉願爲楓林葉隨君渡洛陽

南中別陳七季十

二年共遊處一旦各西東請君聊駐馬看我轉征蓬畫
鷁愁南海離駒思北風何時似春鴈雙入上林中

南中送北使二首

傳聞合浦葉會向洛陽飛何日南風至還隨北使歸紅
顏渡嶺歇白首對秋衰高歌何由見層堂不可違誰憐
炎海曲淚盡血霑衣

待罪后重譴窮愁暮雨秋山臨鬼門路城繞瘴江流人

事今如此生涯尙可求逢君入鄉縣傳我念京周別恨
歸途遠離言暮景遒夷歌翻下淚蘆酒未消愁聞有邊
兵急深懷漢國羞和親先是許款塞果爲讎釋繫應分
爵獨徒幾復侯廉頗誠未老孫叔且無謀若道馮唐事
皇恩尙可收

贈崔公

我聞西漢日四老南山幽長歌紫芝秀高臥白雲浮朝
野光應絕榛蕪年自秋一朝驅駟馬連轡入龍樓昔避
高皇去今從太子遊行藏惟聖節福禍在人謀卒能匡
張燕公集

卷三

十一

惠帝豈不賴留侯事隨年代遠名與圖籍留平生飲淳
德慷慨景前修蚌蛤伺陰兔蛟龍望斗牛無嗟異飛伏
同氣幸相求

留贈張御史張判官

旅竄南方遠傳聞北使來舊庭知玉樹合浦識珠胎白
髮因愁改丹誠託夢迴皇恩若再造爲憶不然灰
其極辭明代南溟宅放臣丹誠由義盡白髮帶愁新鳥
墮炎洲氣花飛洛水春平生歌舞席誰憶不歸人

贈廣平公宋大

亞相本時英歸來復國楨朝推長孺直野慕隱之清傳
節還閩嶂皇恩入漢京寧思江上老歲晏蹇無成

贈趙公

湘東股肱守心與帝鄉期舟楫中途蹇風波復來思嘉
我常聯翼金貂侍玉墀跡叅前馬聖名綴鸞熊師寒暑
一何速山川遠間之寧知洞庭上獨得平生時精義微
絕簡從權討妙棊林壑爲予請紛藹發華滋流賞忽已
散驚帆杳難追送君在南浦佗僚投此詞

張燕公集

卷三

十一

贈趙侍御

祿放跡異端偏荒事同蹇苟忘風波累俱會雲壑踐險
式壓西湖橋廬對南峴夜樓江月入朝幌山雲卷山勢
遠濤連江途斜漢轉坐嘯予多暇行唵子獨善並轡睇
郊郭方舟玩遊瀆虛聲萬籟分水色千里辨不知岸陰
謝再見春露泣綠壤發欣顏華年助蟲篆上世時難接
古人情可選汨渚煩爲媒多才恐成編長沙鵬作賦任
道可知淺請從三已心榮辱兩都遣

伯奴邊見歸田賦因投趙侍御

爾家嘆窮鳥吾族賦歸田莫道榮枯異同嗟世網牽黃
陵浮汨渚青草會湘川去國逾三歲茲山老二年寒鴟
鳴舍下昏虎臥籬前客淚堪班竹離憂欲贈荃放言久
無次觸興感成篇

翻著葛巾呈趙尹

岳州作

昔日接離倒今我葛巾翻宿酒何時醒形骸不復存
忽聞有嘉客躡步出開門桃花春徑滿誤識武陵源

奉酌韋祭酒嗣立偶遊龍門北溪忽懷驪山別業

呈諸畱守之作

張燕公集

卷三

三

石澗泉虛落松崖路屈廻聞君北溪下想像南山隈近
念鼎門別遙思雲障陪不同奇觀仕空觀斯文來歲後
寒初變春前芳未開黃蕤裊岸柳紫萼折村梅盡室茲
遊翫盈門幾樂哉嗟遊洛陽陌夢詣建章臺野失巢由
性朝非元凱才有懷欽迹幽意日塵埃

酌韋祭酒自湯還都經龍門北溪見贈

聞君湯井至瀟洒憩郊林拂曙攜清賞披雲覲綠岑歎
言遊覽意款曲望歸心是日期嘉客同山忽異尋桃源
花路轉楊柳間門深汎舟伊水漲繫馬香樹陰繁絃弄

水族嬌吹狎沙禽春滿汀色媚景斜嵐氣侵懷仁殊未
遠重德匪專臨來藻敷幽思連詞報所欽

酌崔光祿冬日述懷贈荅

并序

太極殿衆君子分司洛城自春涉秋日有遊討旣而韋
公出守茲樂便廢頃因公讎方接詠言崔光祿述志論
文首貽雅唱諸公嘉德叙事咸有報章若夫盛時榮位
華景勝會此四者古難一遇而我輩比實兼之至於精
言探道妙識發義戲謔而逢規戒指諷而見師表益過
三友豈易得乎謂膏澤傍潤芝蘭久襲韋公近之矣以

張燕公集

卷三

三

文會友以友輔仁崔公近之矣其餘尋聲嚮荅望形影
赴故亦浚碧池之漣漪增瑤林之沃若是用綴集勅成
一卷永存几閣之翫無忘歡好之時焉

徐陳嘗並作枚馬亦同時各負當朝譽俱承明主私夫
君邁前侶觀國騁奇姿山似鳴威鳳泉如出寶龜才雄
子雲筆學廣仲舒帷紫綬拂三寺朱門臨九達昔我舍
香日連爾縉雲司朝携蘭省步夕退竹林期中路一分
手數載來何遲求友還相得羣英復在茲留臺少人務
方駕遞尋追涉玩懷同賞霑芳憶共持迎賓南澗飲載

妓東城嬉春郊綠畝秀秋澗白雲滋名畫披人物良書
討滯疑興來光不惜歡往跡如遺歲晏罷行樂層城間
所思夜魂燈處厭朝髮鏡前衰忽枉崔駟什兼流韋孟
詞曲高彌寡和王善代爲師齊戒觀華玉留連歎色絲
終慙起予者何足與言詩

答李伯魚桐竹

結廬桐竹下室邇人相深接垣分竹徑隔戶共桐陰落
花朝滿岸明月夜拂林竹有龍鳴管桐留鳳舞琴奇聲
與高節非君誰賞心

張燕公集

卷二

西

和魏僕射還鄉

富貴還鄉國光輝滿舊林秋風樹不靜君子歎何深故
老空懸劍鄰交自散金衆芳搖落盡獨有歲寒心

和張監觀赦

日御臨雙闕天街儼百神雷舒作解氣歲復建寅春喜
候開星驛歡聲發市人金環能作賦來入管絃新

和張監遊終南

宿懷終南意及此語雲峯夜闌竹澗靜曉望林嶺重春
烟生古石時鳥戲幽松豈無山中賞但畏心莫從

和朱使欣道峽似巫山之作
江如曉天淨石似暮雲張征帆一流覽宛若巫山陽楚
客思歸路秦人謫異鄉猿鳴孤月夜再使淚霑裳

和朱使二首

南土多爲寇西江盡畏途
山行阻篁竹水宿礙蘓苻
使越才應有征蠻力豈無
空傳人贈劍不見虎銜珠

江勢連山遠天涯此夜愁
霜空極天靜寒月帶江流
思起南征棹文高北壑樓
自憐如墜葉汎汎侶仙舟

同趙侍御巴陵早春作

張燕公集

卷三

五

江上春來早可觀巧將春物妬餘寒
水苔共繞留烏石花鳥爭開鬪鳴
榔佩勝芳辰日漸暖然燈美夜月初圓
意隨北鴈雲飛去不待南州蕙草殘

同趙侍御乾湖作

江南湖水咽山川春江溢入共湖連
氣色紛淪橫罩海波濤鼓怒上漫天
鱗宗數族嬉爲府釣叟眾師利焉聚
敲帆側柁弄風口赴險凌深越灣浦
一灣一浦悵澶迴千曲千澌恍迷哉
乍見靈妃含笑往復聞遊女怨歌來
暑來寒往運洄洑潭生水落移陵谷
雲間墜翻散泥沙

波上浮查棲樹木昨暮飛霜下北津今朝行鴈度南濱
處處溝港清源竭年年萑葦白頭新天地盈虛尚難保
人間倚伏何須道秋月晶晶汎澄瀾冬景青青步織草
念君宿昔觀物變安得踟躕不衰老

同趙侍御望歸舟

山亭迴迴面長川江樹重重極遠煙形影相追高翥鳥
心腸併斷北飛艖

遙同蔡起居偃松篇

清都衆木總榮紛傳道孤松最出羣名接天庭長光景
張燕公集

卷三

六

氣連宮闕借氛氲懸池的的停華露偃蓋重重拂瑞雲
不惜流膏助仙鼎願將楨榦捧明君莫比冥靈楚南樹
朽老江邊代不聞

同劉給事城南宴集

水竹幽閒地簪纓近侍臣雍容乘暇日蕭洒出囂塵樹
定思朋鳥池深入養鱗管絃高逐吹歌舞妙含春老子
叨專席歡遊隔縉紳此中情不淺遙寄賞心人

出湖寄趙冬曦二首

西泛平湖盡參差入斷山東瞻岳陽郡汗漫太虛間窘

張燕公集卷四

唐

張燕公集說

撰

詩

代書答姜七崔九

婀娜金闈樹，離披野田草。雖殊兩地榮，幸共三春好。花
殊鳥飛處，葉鏤蟲行道。真心獨感人，惆悵令人老。

代書寄吉十一

一鴈雪上飛，值我衡陽道。口銜離別字，遠寄當歸草。目
想春來遲，心驚寒去早。懷鄉秉羽翮，慕侶盈懷抱。零落

張燕公集

卷四

一一

答故人將隨江樹老

代書寄薛四

孤鴈東飛來，寄我紋與素。紋足經三象，素當綜羣務。遠
見故人心，一言重千金。答之綵毛翰，繼以瑤華音。歲寒
衆木改，松柏心常在。

寄天台司馬道士

世上求真客，天台去不還。傳聞有仙要，夢寐在茲山。朱
闕青霞斷，瑤堂紫月閒。何時枉飛鶴，笙吹在人間。

寄劉道士鳥

真人降紫氣邀我丹田宮遠寄雙飛鳥飛飛不礙空

書香能和尚塔

大師捐世去空餘法力在遠寄無礙香心隨到南海

被使在蜀

卽今三伏盡尚自在臨邛歸途千里外秋月定相逢

正朝摘梅

蜀地寒猶暖正朝發早梅偏驚萬里客已復一年來

蜀道後期

客心爭日月來往預期程秋風不相待先至洛陽城

張燕公集

卷四

二

過蜀道山

我行春三月山中百花開披林入峭壁攀蹬陟崔嵬白

雲半峯起清江出峽來誰知高深意緬邈心幽哉

再使蜀道

眇眇葭萌道蒼蒼褒斜谷煙壑爭晦深雲山共重複古

來風塵子同眩望鄉目芸閣有儒生輶車倦馳逐青春

客眠嶺白露搖江服歲月鎮羈孤山川俄返覆魚遊戀

深水烏遯戀喬木如何別親愛坐去文章國蟋蟀鳴戶

庭蟪蛄網琴筑

去國深渡驛

旅泊青山夜荒庭白露秋洞房懸月影高枕聽江流猿
響寒巖樹螢飛古驛樓他鄉對搖落併覺起離憂

古泉驛

於陵仲子宅也

昔聞陳仲子守義辭三公身貧妻織屨樂亦在其中豈
無窮賤苦羞與傾巧同長白臨河上於陵入濟東我今
行至此感歎古泉空

下江南向夔州

天明江霧歇洲浦棹歌來綠水透迤去青山相向開城

張燕公集

卷四

三

臨蜀帝祀雲接楚王臺舊知巫山上遊子共徘徊

江路憶郡

霧歛江早明星翻漢將沒臥聞峽猿響起視榜人發倚
棹攀岸篠憑船弄波月水宿厭洲渚晨光屢暉忽林澤
來不窮烟波去無歇結思笙竽里搖情遊俠窟年貌不
暫留歡愉及元髮雲涓戀山海禽鳥懷燕越自非行役
人安知慕城闕

廣州江中作

去國歲方晏愁心轉不堪離人與江水終日向西南

江中誦經

實相歸懸解虛心暗在通澄江明月內應是色成空

江中遇黃領子劉隆

危石江中起孤雲嶺上還相逢皆得意何處是鄉關

赦歸在道中作

陳焦心息盡死意不期生何幸光華且流人歸上京愁
將網共解眼與代俱明復是三階正還逢四海平誰能
定禮樂爲國著功成

還至端州驛前與高大別處

張燕公集

卷四

四

舊館分江口悽然望落暉相逢旅食臨別換征衣昔
記山川是今傷人代非往來皆此路生死不同歸

喜渡嶺

東漢興唐歷南河復禹謀寧知瘴癘地生入帝皇州雷
雨蘇蟲蟄春陽放鸞鳩涸涘炎海畔登降闕山陬嶺路
分中夏川源得上流見花便獨笑看草卽忘憂自始居
重譯天星已再周鄉關絕歸望親戚不相求棄杖枯還
植窮鱗涸更浮道消黃鶴去運啓白駒留江妾晨炊黍
津童夜櫂舟盛明良可遇莫後洛城遊

過漢南城歎古蹟

舊國多陵墓荒涼無歲年
泓蔽平岡汨若波濤連上
世千金子潛臥九重泉
松柏剪無餘碑記滅罔傳葬於
不毛地咸謂楚先賢事盡情可識
使人心悵然

至尉氏

夕次阮公臺嘯歌臨爽境
高名安足賴故物今皆改
吾兄昔茲邑遺愛稱良宰
桑中雉未飛屋上烏猶在
途逢舊毗吏城有同寮
宋望塵遠見迎拂館來
傾待慈惠留千室友于存
四海始知魯衛間優劣相懸倍

張燕公集

卷四

五

襄州景空寺題融上人蘭若

高名出漢陰禪閣跨香岑
眾山旣圍繞長澗復迴臨
雲峯曉靈變風水夜虛吟
碧湫龍池滿蒼松虎徑深
舊知青巖意偏入杳冥心
何由侶飛錫從此脫朝簪

四月一日過江赴荊州

春色沅湘盡三年客始迴
夏雲隨北帆同日過江來
水漫荆門出山平郢路開
比肩羊叔子千載豈無才

襄陽路逢寒食

去年寒食洞庭波今年寒食襄陽路
不辭著處尋山水

祇畏還家落春暮

巡邊在河北作二首

去年六月西河西今年六月北河北沙場磧路何爲爾
重氣輕生知許國人生在世能幾時壯年征戰髮如絲
會待安邊報明主作頌封山也未遲
撫劍空餘勇彎弧遂無力老去事如何據鞍長歎息故
交索將盡後進稀相識獨憐未死心尚有寒松直

入海二首

乘桴入南海海曠不可臨茫茫失方面混混如凝陰雲

張燕公集

卷四

六一

山相出沒天地互浮沉萬里無涯際云何測廣深潮波
自盈縮安得會虛心

海上三神山逍遙集衆仙靈心豈不同變化無常全龍
伯殊人類一釣兩鰲連金臺此淪沒玉眞時播遷問子
勞何事江上泣經年隰中生紅草所美非美然

清遠江峽山寺

流落經荒外逍遙此梵宮雲峯吐月白石壁淡烟紅竇
塔靈仙湧懸龕造化功天香涵竹氣虛唄引松風簷牖
飛花入廊房激水通猿鳴知谷靜魚戲辨江空靜默將

何貴惟應心境同

相州冬日早衙

城外待鐘歛闥中曙火殘朝光曜庭雪宿凍聚池寒正
色臨廳事疑詞定筆端除苛囿息伐枳吏人寬河內
功猶淺淮陽疾未安鏡中星髮變頓使世情闌

相州北亭

人霧南亭少風烟北院多山花迷徑路池水拂藤蘿萍
散魚時躍林幽鳥乍歌悠然白雲意乘興抱琴過

相州山池作

張燕公集

卷四

七

嘗懷謝公詠山水陶嘉月及此年華衰徒看眾花發觀
魚樂何在聽鳥情都歇星漢流不停蓬萊去難越鄴中
秋麥秀淇上春雲沒日見塵物空如何靜心闕

岳州作二首

水國生秋草離居再及瓜山川臨洞穴風口望長沙物
土南州異關河北信餘日昏聞怪鳥地熱見修蛇遠人
夢歸路瘦馬嘶去家正有江潭月徘徊戀九華
夜夢雲闕間從容簪履列朝遊洞庭上緬望京華絕滌
收江未清火退山更熱重欷視欲醉惜滿氣如噓器留

魚鼈腥衣黠蚊蚋血髮白思益壯心元用彌拙冠劍日
苔薛琴書坐廢撤唯有報恩字刻意長不滅

岳州行郡竹籬

山郡不溝郭荒居無翳壅愛人忠主利善守閉爲勇苟
非小勤瘁安得期逸寵板築恐土踈襄城嫌役重藩柵
聊可固筠篔近易奉差池截浦沙繚遠緣隈隴廡似長
雲亘森如高戟聳預絕豺狼憂知免牛羊恐閭里寬矯
步榛藜恣踏躪始果遊處心終日成閒拈

荊州亭入朝

張燕公集

卷四

八

巫山雲雨峽湘水洞庭波九辯人猶擯三秋鴈始過旃
裘吳地盡影薦楚言多不果朝宗願其如江漢何

岳州西城

水國何遼曠風波遂極天西江三紀合南浦二湖連危
堞臨清境煩憂暫豁然九圍觀掌內萬象閱眸前日去
長沙渚山橫雲夢田汀葭變秋色津樹入寒煙潛穴探
靈詭浮生揖聖仙至今人不見迹滅事空傳

岳州山城

山城日暇閉戶見天心東曠迎朝色西樓引夕陰書

觀千載近學靜二毛深忽有南風至吹君堂上琴

遊洞庭湖

平湖曉望分仙嶠氣氤氳鼓枻乘清渚尋峯弄白雲江
寒天一色日靜水重文樹坐叅猿嘯沙行人驚羣緣源
斑篠密冑徑綠蘿紛洞穴傳虛應楓林覺自薰雙童有
靈藥願取獻明君

遊洞庭湖湘

緬邈洞庭岫葱蒙水霧色宛在太湖中可望不可即
竹守窮渚開門對奇域城池自縶籠纓綬爲徽繹靡日

張燕公集

卷四

九

不思往經時始願克飛棹越溟波維舟恣攀陟窸窣入
雲步崎嶇倚松息巖壇自鶴過壁字無人識滴石香乳
溜垂崖靈草植玩幽輕霧阻討異忘曛逼寒沙際水平
霜樹籠煙直空宮聞莫覩地道窺難測此處學金丹何
人生羽翼誰傳九光要幾拜三仙職紫氣徒想像清潭
長眇默霓裳若有來觀我雲峯側

和尹悉秋夜遊澹湖二首

澹湖佳可遊旣近復能幽林裏棲精舍山間轉去舟
飛江月冷猿嘯野風秋不是迷鄉客尋奇處處留

坐嘯人事閒佳遊野情發山門送落照湖口昇微月林
尋猿狖居水戲鼃鼃穴朔風吹飛鴈芳草亦云歇

遊澶湖上寺

湖上竒峯積山中芳樹春何知絕世境來遇賞心人親
舊巖泉樂啣嚶鳥獸馴靜言觀聽裏萬法自成輪

和尹從事悉泛洞庭

平湖一望上連天林景千尋下洞泉忽驚水上光華滿
疑是乘舟到日邊

澶湖山寺二首

張燕公集

卷四

十一

空山寂歷道心生虛谷迢遙野鳥聲禪室從來塵外賞
香臺豈是世中情雲間東嶺千重出樹裏南湖一片明
若使巢由知此意不將蘿薜易簪纓

楚老遊山寺提攜觀畫壁揚袂指碑支睩眄相鬪鬪險
哉透撞兒百金賭一擲成敗身自受傍人那歎惜

岳陽早霽南樓

山水佳新霽南樓翫初旭夜來枝半紅雨後洲全綠四
運相終始萬形紛代續適臨青草湖再變黃鸝曲地穴
穿東武江流下西蜀歌闌枉渚躡舞見長沙促心阻意

徒馳神和生自足白髮悲上春知常謝先欲

別澹湖

念別澹湖去浮舟更一臨千峯出浪險萬木抱煙深南
郡延恩渥東山戀宿心露花香欲醉肯鳥囀餘音涉趣
皆畱賞無可遍尋茲言山水間幽意在鳴琴

巴邱春作

日出洞庭水春山掛斷霞江渚相映發卉木共紛華湘
成南浮闊荆關北望賒湖陰窺魍魎邱勢辨巴蛇島戶
巢爲館漁人艇作家自憐心問景三歲客長沙

張燕公集

卷四

二

岳陽石門墨山二山相連有禪堂觀天下絕境

困輸江上山近在華容縣常涉巴邱首天晴遙可見佳
遊屢前諾芳月愆幽眷及此符守移歡言臨道便旣攜
賞心客復有送行掾竹徑入陰窅松蘿上空蔭草共林
一色雲與峯萬變深窺石門斷緣越沙澗轉兩山勢爭
雄峯嚇相顧盼藥鈔靈仙寶境華巖壑選清都西澗絕
金地東敞宴池果接園佳風煙適臺殿高尋去石頂曠
覽天宇遍千山紛滿目百川豁對面騎來雲氣迎人去
鳥聲戀長揖桃源士舉世全企羨

遊龍山靜勝寺

每上襄陽樓遙望龍山樹鬱蕭吐岡嶺微蒙在煙霧下
車歲已成飾馬閑餘步苦霜裏野草愛日揚江煦雲對
石上塔風吹松下路禪室宴三空人祠同六趣兒童共
嬉謔猿鳥相驚顧南識桓公臺北望先賢墓世上人何
在時聞心不住唯傳無盡燈可使有情悟

一柱觀

舊說江陵觀初疑神化來空山結雲閣綺靡隨風迴柰
何任一柱斯焉容衆材奇功非長世今餘草露臺

張燕公集

卷四

十一

登九里臺是楚樊姬墓

楚國所以霸樊姬有力焉不懷沈尹祿誰諳叔敖賢萬
化茫無在孤墳獨巋然北分陽臺陌南識郢城阡漠漠
渚宮樹蒼蒼雲夢田登高形勝出訪古令名傳自我來
符守因君樹蕙荃詩書將變俗絺纈忽彌年志闡三折
后愁值二毛前佇立帝京路遙心寄此篇

過懷王墓

伊憂不可信以此收懷王客死曉關路返葬岐江陽啼
狖抱山月飢狐獵野霜一聞懷沙事千載盡悲涼

庾信宅作

蘭成追宋玉舊宅偶詞人筆湧江山氣文驕雲雨神包
胥非救楚隨會返畱秦獨有東陽守來嗟古樹春

欽州守歲

故歲今宵盡新年明旦來愁心隨斗柄東北望春迴

岳州守歲

除夜清樽滿寒庭燎火多舞衣連臂拂醉坐合笙歌至
樂都忘我冥心自委和今年只如此來歲知如何平

又二首

張燕公集

卷四

三

夜風吹醉舞庭戶對酣歌愁逐前年少歡迎今歲多
桃枝堪辟惡竹爆好驚眠歌舞畱今夕猶言惜舊年

幽州新歲作

去歲荆南梅似雪今春薊北雪如梅共知人事何常定
且喜年華去復來復來邊鎮戍歌連夜動京城燎火徹明開
遙遙西向長安日願上南山壽一盃

元朝

元日今歲樂不謝往年春知向來心道誰爲昨夜人

耗磨日飲二首

耗磨傳茲日縱橫道未宜但令不忌醉翻是樂無爲
上月今朝減流傳耗磨辰還將不事事全醉俗中人

晦日

晦日嫌春淺江浦看湔衣道傍花欲合枝上鳥猶稀共
憶浮橋晚無人不醉歸寄書題此日鴈過洛陽飛

相州九日城北亭子

西楚茱萸節南淮戲馬臺寧知沅水上復有菊花杯亭
帳憑高出親朋自遠來短歌將急景全使興情催

岳州九日宴道觀西閣

張燕公集

卷四

西

搖落長年歎蹉跎遠宦心北風嘶代馬南浦宿陽禽佳
此黃花酌酬餘白首吟涼雲霾楚望濛雨蔽荆岑登眺
思清景誰將卷濁陰釣歌出江霧樵唱入山林魚以嘉
名採木爲美材侵大道由中悟逍遙匪外尋叅佐多君
子詞華妙賞音留題洞庭觀望古意何深

九日進茱萸山詩五首

家居洛陽下舉目見嵩山刻作茱萸節情生造化間
黃花宜泛酒青岳好登高稽首明廷內心爲天下勞
菊酒携山客萸囊繫牧童路疑隨大隗心似問鴻蒙

九日重陽數三秋萬寶成時來謁軒后罷去坐蓬瀛
晚節歡重九高山上五千醉中知遇聖夢裏見尋仙

春雨早雷

東北春風至飄飄帶雨來拂黃先變柳點素早驚梅樹
謁懸書閣煙舍作賦臺河魚未上凍江蟄已聞雷美人
宵夢著金屏曙不開無緣一啟齒空酌萬年杯

聞雨二首

窮冬萬化匝永夜百憂攢危戍臨江火空齋人雨寒斷
猿知屢別嘶鴈覺虛彈心對爐灰死顏隨庭樹殘舊恩

張鼎公集

卷四

五

懷未報頃瞻鏡中看

多雨絕塵事寥寥入太元城陰疎復合簷滴斷還連念
我勞造化從來五十年悟將心狗物近得還自然閒居
草木侍虛室鬼神憐有時進美酒有時泛清絃眞不
世識心醉豈言詮

夜坐

懷哉四壁時未有五都價百金誰見許斗酒難爲賁落
花生芳春孤月皎清夜復逢利交客題戶遙相謝

岳州夜坐

炎州苦三伏永日卧孤城賴此閑庭夜蕭條夜月明獨
歌還太息幽感見餘聲江近鶴時叫山深猿屢鳴息心
觀有欲棄知返無名五十知天命吾其達此生

山夜聞鐘

夜臥聞夜鐘夜靜山更響霜風吹寒月窸窣虛中上前
聲既春容後聲復晃盪聽之如可見尋之定無像信知
本際空徒掛生滅想

冬日見牧牛人擔青草歸

塞上綿應折江南草可結欲持梅嶺花遠競榆關雪日
張燕公集

月無私照山川何頓別苟齊兩地心天問將何說

卷四

六

錢開仕恭校

張燕公集卷五

唐

張

說

撰

詩

岳州觀競渡

畫作飛鳧艇雙雙競拂流低裝山色變急棹水華浮士
尚三閩俗江傳二女遊齊歌迎孟姥獨舞送陽侯鼓發
南湖溼標爭西驛樓並驅恒詫速非畏日光道

岳州看黃葉

白首看黃葉徂顏復幾何空慚棠樹下不見政成歌

張燕公集

卷五

一

戲題草樹

忽驚石榴樹遠出渡江來戲問芭蕉葉何愁心不開微
霜拂宮桂妻吹掃庭槐榮盛更如此慚君獨見哀

詠瓢

美酒酌懸瓢真淳好相映蝸房空墮首鶴頸抽長柄雅
色素而黃虛心輕且勁豈無雕刻者貴此成天性

詠鏡

寶鏡如明月出自秦宮樣隱起雙盤龍銜珠儼相向常
恐君不察匣中委清量積翳掩菱花虛心蔽塵狀儻蒙

羅袖拂光生玉臺上

詠塵

仙浦生羅襪神京染素衣
裨山期益峻照日幸增輝
夕伴龍媒台朝遊鳳輦歸
獨憐范甌下思遶畫梁飛

道家四首奉敕撰

金壇啓曙闈真氣肅微微
落月銜仙竇初霞拂羽衣
香隨龍節下雲逐鳳簫飛
暫住蓬萊戲千年始一歸
窈窕流精觀深沉紫翠庭
金奩調上藥寶案讀仙經
作賦看神雨乘查辦客星
祇應謝人俗輕舉託雲輶

張燕公集

卷五

三

金爐承道訣玉牒啓元機
雲逐笙歌度星隨宮殿飛
乘風嬉浩蕩窺月弄光輝
唯有三山鶴應同千載歸
道記開中錄真官表土清
焚香三鳥至鍊藥九仙成
天上靈書下空中妙妓迎
迎來出煙霧渺渺戲蓬瀛

雜詩四首

抱薰心恒焦舉旆心恒搖
天長地自久歡樂能幾朝
君看西陵樹歌舞爲誰嬌
山開苦積雨木落悲時遠
賞心凡幾人良辰在何處
觸石滿堂多洒我終夕慮
客鳥懷主人銜花未能去
剖珠

貴分明琢玉思堅貞要君意如此終始莫相輕
問子青霞意何事留朱軒自言心遠俗未始迹辭喧過
蒙良時幸側息吏途煩簪纓非宿好文史棄前言夕卧
北窓下夢歸南山園白雲慙幽谷清風媿泉源十年茲
賞廢佳期今復存掛冠謝朝侶星駕別君門
默念羣疑起元通百慮清初心滅陽艷復見湛虛明悟
滅心非盡求虛見後生應將無住法修到不成名

蜀路二首

雲埃夜澄廓山日曉晴鮮葉落滄江岸鴻飛白露天磷

張燕公集

卷五

三

磷含水石羃羃覆林烟客心久無緒秋風殊未然

徭蜀時未改別家鄉念盈憶昨出門日春風發鮮榮及
茲旋轅地秋風滿路生昏曉思魏闕夢寐還秦京秦京
開朱第魏闕垂紫纓幽獨元虛閣不聞人馬聲藝叢爲
君重名位爲君輕玉琴知調苦寶鏡照膽清鷹飢常啄
腥鳳飢亦待瓊於君自有屬物外豈能輕

惠文太子挽歌詞二首

碣館英靈在瑤山羨謚尊剪珪悲曩戲攻玉愴新恩官
仗傳馳道朝儀送國門千秋穀門外明月照西園

梁國深文雅淮王愛道仙帝歡同宴日神奪上賓年旒
旒飛行樹帷宮宿野烟指言君愛弟揮淚滿山川

韋譙公挽歌二首

五瑞分王國雙珠映后家文飛書上鳳武結笥中蛇出
預榮前馬迴鸞喪後車衰衣將錫命泉路有光華
國騁雙騏驥庭儀兩鳳凰將星連相位玉樹伴金鄉歌
舞侯家豔車裘戚里光安知杜陵下碑版已相望

右丞相蘇公挽歌詞二首

王宰丹青化春卿禮樂才緇衣傳舊職華袞贈新哀路

張燕公集

卷五

四一

泣羣官送山嘶駟馬迴佳辰無白日賓閣有青苔
門歇出野田冠帶寢窮泉萬事皆身外平生尚目前西
垣紫泥縛束岳白雲篇自惜同聲處從今遂絕絃

崔尚書挽詞

相宅隆坤寶承家占海封庭中男執雁門外女乘龍鳴
玉遊三省擬金侍九重一朝賓客散留劍在青松

右常侍集賢院學士徐公挽歌二首

才美臨淄北名高淮海東羽儀三省遍漁獵五車通玉
殿孤新勝珠英落舊叢徒懸一寶劍何處訪徐公

歎息書林友才華天下選並賦三陽宮集詩集賢殿具
物衣如在咄嗟長不見旣哀薤露詞豈忘平生眷

崔司業挽歌二首

海岱英靈氣膠庠禮樂資風流滿天下人物擅京師疾
起揚雄賦魂遊謝客詩從今好文主遺恨不同時
象設存華館威儀下墓田鳳池傷舊草麟史泣遺編唯
蓋墟煙沒干旌隴日懸古來埋玉樹流恨滿山川

李工部挽歌三首

錦帳爲郎日金門待詔時楊宮先上賦柏殿幾聯詩

張燕公集

卷五

五

息琴歌斷淒涼簫挽悲那堪灞陵岸迴首望京師

宅兆西陵上平生雅志從城臨丹闕近山望白雲重會
葬知元伯看碑識蔡邕無由接神理揮涕望青松

常時好賓客永日對絃歌是夕歸泉下傷心無奈何墓
庭人已散祭處鳥來迴碑石生苔蘚榮名豈復多

贈工部尚書馮公挽詩三首

惡鯁難爲事平生盡畏途如絃心自直秀木勢恒孤詔

葬南陵道神遊北斗樞貴門傳萬石餘慶在雙珠

爵位題龍旆威儀出鳳城路傍人泣送門外馬嘶迎萬

事非吾有千悲是世情昔焉稱夏日今也謚冬卿
宵然長夜臺舉世可哀哉泉戶一朝閉松風四面來石
碑填駁薛珠服聚塵埃遙望遼東鶴千年往復迴

徐高御挽歌

蒲宓遙千載鳴琴始一追公卿傳世範仁義續靈基不
待南遊祿何先北帝期玉棺從此閉金鼎代相欺

節義太子楊妃挽歌一首

西華三公族東闈五可才玉環初受慶金珉反逢災桂
殿花空落桐園月自開朝雲將暮雨長繞望思臺

張燕公集

卷五

六一

昔日三朝路逶迤四筆車繡腰長命綺隱髻連支花今
春戾園樹索然無歲華共傷千載後唯號一王家

河上公

尊師厭塵去精魄知何明形氣不復生弟子空傷情濟
北神如在淮南藥未成共期終莫遂寥落兩無名

傷妓人董氏四首

董氏嬌饒性多爲窈窕名人隨秋月落韻入擣衣聲
粉藥粘粧籠金花罽翠條夜臺無戲伴魂影向誰嬌
舊亭紅粉閣宿處白雲關春日雙飛去秋風獨不還

舞席沾殘粉歌梁委舊塵獨傷窻裏月不見帳中人

鄴都引

君不見魏武草創爭天祿羣雄睚眦相馳逐晝攜壯士
破堅陣夜接詞人賦華屋都邑繚繞西山陽桑榆漫漫
漳河曲城郭爲墟人改代但見四園明月在鄴傍高塚
多貴臣蛾眉嬾睩共灰塵試上銅臺歌舞處唯有秋風
愁殺人

五君評五首

并序

達志美類刺異感義哀事顏氏之心也擬焉

張燕公集

卷五

七

魏齊公元忠

齊公生人表迴天聞鶴唳清論早揣摩元心晚超詣入
相廊廟靜出軍沙漠霽見深呂祿憂與後陳平計甘心
除君惡足以報先帝

蘇許公瓌

許公信國禎克美具瞻情百事資朝問三章廣世程處
高心不有臨節自爲名朱戶傳新戟青松拱舊堊凄涼
丞相府餘慶在元成

李趙公嶠

李公實神敏才華乃天授睦親何用心處貴不忘舊故
事遵臺閣新詩冠宇宙在人忠所奉惡我誠將着南浦
去莫歸嗟嗟茂孫秀

郭代公元振

代公舉鵬翼懸飛磨海霧志康天地屯適與雲雷遇興
喪一言決安危萬心注大勳書王府窄命淪江路勢傾
北夏門哀靡東平樹

趙耿公彥昭

耿公山岳靈才傑心亦妙鷲鳥峻標立哀玉扣清調協

張燕公集

卷五

八

替休明啓恩華日月照何意瑤臺雲風吹落江徼湘流
下潯陽灑淚一投弔

離會曲

何處送客洛橋頭洛水汎汎中行舟可憐河樹葉萋萋
關關河鳥聲相思街鼓喧喧日云夕去棹歸軒兩相迫
何人送客故人情故人今夜何處客

安樂郡主花燭行

青官朱邸翊皇闈玉葉瓊蕤發紫微姬姜本來舅甥國
小筵俱道鳳凰飛星昴殷冬獻吉日天桃穠李遙相正

鸞車鳳傳王子來龍樓月殿天孫出平臺火樹連上陽
紫炬紅輪十二行丹爐飛鐵馳焱燄霞爍電吐明光
綠輦紺幃紛如霧節鼓清笳前啓路城隅靡靡稍東還
橋上麟麟轉南渡五方觀者聚中京四合塵烟漲洛城
商女香車珠結網天人寶馬玉繁縷百壺醪酒千斤肉
大道連延障錦軸先祝聖人壽萬年復禱宜家承百祿
珊瑚刻盤青玉樽因之假道入梁園梁園山竹凝雲漢
仰望高樓在天半翠幕蘭堂蘇合薰珠簾掛戶水波文
別起芙蓉織成帳金縷鴛鴦兩相向罽茵飾地承瑀履

張燕公集

卷五

九

花燭分階移錦帳織女西垂隱燭臺雙童連縷合歡盃
藹藹綺庭嬪從列峩峩紅粉扇中開黃金兩印雙花綬
富貴婚姻古無有請歌棠棣美王姬流化邦人正夫婦

時樂鳥篇

并序

伏見天恩以靈異鸚鵡及熊延京所述篇出示朝列臣
按南海異物志有時樂鳥名云太平天下有道則見驗
其圖丹首紅臆朱冠綠翼鶯領文背糝以五色今此鳥
本南海貢來與鸚鵡狀同而毛尾全異其心聰性辨護
主報恩固非凡禽實瑞經所謂時樂鳥延京雖敘其事

未正其名望編國史以彰聖瑞臣竊同延京獻詩一首
舊傳南海出靈禽時樂名聞不可尋形貌乍同鸚鵡類
精神別稟鳳凰心千年待聖方輕舉萬里呈才無伴侶
紅茸綵繡好毛衣清冷謳鶉好言語內人試取御衣牽
啄手瞋聲不許前心願陽烏恒保日志嫌陰鶴欲凌天
天情玩訝良無已察圖果見祥經裏本持符瑞驗明王
還用文章比君子自憐弱羽詎堪珍喜共華篇來示人
一見嚶嚶報恩烏多慙碌碌具官臣

開元樂章十九首奉勅撰

張燕公集

卷五

十一

迎神永和之樂三章

肅九室諧八音歌皇慕動神心禮宿設樂妙尋聲名備
裸奠臨

律迓氣音入元依玉几御黼筵聆愾息優周旋九韶遍
百福傳

信工祝永頌聲來祖考聽和平相百辟貢九瀛神休安
帝孝成

皇帝行太和之樂一章

時文聖后清廟肅雍致誠勤薦在貌思恭玉節肆夏金

鏘五鍾繩繩雲步穆穆天容

登歌酌瓚肅和之樂一章

天子孝享工歌博將躬裸鬱鬯乃蕤鬯薌臭以達陰聲
以求陽奉時蒸嘗永代不忘

迎俎雍和之樂二章

在滌嘉豢麗碑敬牲角握之牲色純之騂火傳陽燧水
漑陰精太公胖俎傳說和羹

齊戒豐潔俎豆有馨亦有和羹既戒既平鼓鐘管磬肅
唱和鳴皇皇后祖來我思滅

張燕公集

卷五

皇帝酌醴齊用文舞一章

十一

聖謨九德真言五千慶集昌胄符開帝先高文仗鉞克
配彼天三宗握鏡六合煥然帝其承祀率禮罔愆圖書
霧出日月清懸舞形德頽詠念功傳黃龍蜿蜒綵雲蹕
躡五行氣順八佾風宣介此百祿於皇萬年

宣皇帝室光大之舞一章

肅肅藝祖滔滔濟源有雄玉劍作鎮金門元王餘緒后
稷謀孫肇禋九廟四海來尊

光皇帝室長發之舞一章

具禮崇德備樂承風魏推幢主周贈司空不行而至無
成有終神興王業天歸帝功

景皇帝室大政之舞一章

於赫元命權輿帝文天齊八柱地半三分宗廟觀德笙
鏞樂勳封唐之兆成天下君

元皇帝室大成之舞一章

帝舞季歷襲聖生昌后歌有矯胎炎孕皇天地合德日
月齊光肅雍孝享祚我萬方

高祖神堯皇帝室大明之舞一章

張燕公集

卷五

五

赤精亂德四海困窮黃旗舉義三靈會同旱望春雨雲
振大風溥天來祭高祖之功

太宗文武聖皇帝室崇德之舞一章

皇合一德廟宗百神削平天地大拯生民上帝配食單
于入臣戎歌陣舞赫赫震震

高宗天皇大帝室鈞天之舞一章

高皇邁道端拱無爲化懷獯鬻兵戢句灑禮尊封禪樂
盛來儀合位媧后同稱伏羲

中宗孝和皇帝室太和之舞一章

退居江水鬱起丹陵禮物還舊朝章中興龍圖爰及駿
命恭膺鳴球香瓚大禧是承

睿宗大聖真皇帝室景雲之舞一章

景雲霏闌告我帝符噫帝冲德與天爲徒笙鏞遙遠俎
豆虛無春秋孝獻回復此都

皇帝飲福受胙福和之舞一章

備禮周樂崇親致尊誠通慈降敬徹愛存獻懷稱壽啐
感承恩皇帝孝德子孫千億大包天域長亘不極

送文舞迎武舞舒和之樂一章

張燕公集

卷五

三

六鍾翕協六變成八佾徜徉八風生樂九韶兮人神感
美七德兮天地清

亞獻終獻武舞凱安之樂三章

瑟彼瑤爵亞維上公室如屏氣門不容躬禮殷其本樂
執其中聖皇永慕天地幽通

禮匝三獻樂變九成降循軒陛仰歆皇情福與神合德
因孝明百年神畏四海風行

總總干戚填填鼓鐘奮揚增氣坐作爲容離若鷺鳥合
如戰龍萬方觀德肅肅雍雍

撤豆登歌之樂一章

止笙磬撤豆籩廓無響宵又元主在室神在天情餘慕
禮罔愆嘉黍稷屢豐年

送神永和之樂一章

眇嘉樂授靈爽感若來思如往休氣散迴風上返寂寞
還惚恍懷靈駕結空想

贈崔二安平公樂世詞一首

十五紅粧侍綺樓朝承握槊夜藏鉤君臣一意金門寵
兄弟雙飛玉殿遊寧知宿昔恩華樂變作瀟湘離別愁

張燕公集

卷五

四

地濕莓苔生舞袖江聲怨歎入笙篴自憐京兆雙眉嫵
會待南來五馬留

十五夜御前口號踏歌詞二首

花萼樓前雨露新長安城裏太平人龍銜火樹千重豔
雞踏蓮花萬歲春

帝宮三五戲春臺行雨流風莫妬來西域燈輪千影合

東華金闕萬重開

蘇摩遮五首

爲寶家作

摩遮本出海西胡琉璃寶服紫髯鬚聞道皇恩遍宇宙

來將歌舞助歡娛
繡裝帕額寶花冠
夷歌騎舞借人看
自能激水成陰氣
不慮今年寒不寒

臘月凝陰積帝臺
豪歌急鼓送寒來
油囊取得天河水
將添上壽萬年杯

寒氣宜人最可憐
故將寒水散庭前
惟願聖君無限壽
長取新年續舊年

昭成皇后帝家親
樂樂諸人不比倫
往日霜前花委地
今年雪後樹逢春

張燕公集

卷五

五

破陳樂詞二首

漢兵出頓金微照日明
光鐵衣百里火燔焰焰千行雲
騎駢駢蹙踏遼河自竭
鼓噪燕山可飛正屬四方朝賀
端知萬舞皇威

少年膽氣凌雲共許驍
雄出羣疋馬城南挑戰單刀薊
北從軍一鼓鮮卑送款
五餌單于解紛誓欲成名報國
羞將開國論勳

舞馬詞六首

萬玉朝宗鳳展千金率
舞龍媒眄鼓疑驕躩
蹀聽歌弄

影徘徊

聖代昇平樂

天鹿遙徵衛叔日龍上借羲和將共兩驂爭舞來隨八

駿齊歌

聖代昇平樂

綵旄八佾成行時龍五色因方屈膝銜杯赴節傾心獻

壽無疆

四海升平樂

帝皂龍駒沛艾坐蘭驥子權奇騰倚驤洋應節繁驕接

跡不移

四海升平樂

二聖先天台德羣靈率土可封擊石驂驪紫鷲攬金願

步蒼龍

四海升平樂

張燕公集

卷五

六

聖君出鎮應籙神馬浮河獻圖足踏天庭鼓舞心將帝

樂踟蹰

四海升平樂

舞馬千秋萬歲樂府詞三首

金天誕聖千秋節玉體還分萬壽觴試聽紫駟歌樂府
何如駮驥舞華岡連騫勢出魚龍變躩蹀驕生鳥獸行
歲歲相傳指樹日翩翩來伴慶雲翔

聖皇至德與天齊天馬來儀自海西腕足徐行拜兩膝
繁驕不進踏千蹄鬚鬢奮鬣時躑躅鼓怒驤身忽上躋
更有銜杯終宴曲垂頭掉尾醉如泥

遠聽明君愛逸才玉鞭金翅引龍媒不應茲白人間有
定是飛黃天上來影弄日華相照耀噴含雲色且徘徊
莫言闕下桃花舞別有河中蘭葉開

張燕公集

卷五

七



莫言闕下桃花舞別有河中蘭葉開

莫言闕下桃花舞別有河中蘭葉開

莫言闕下桃花舞別有河中蘭葉開



校

03942

